



Na osnovu člana 15. Zakona o principima lokalne samouprave u Federaciji BiH („Službene novine Federacije BiH“, br.: 49/06 i 51/09), Statuta Općine Novi Grad Sarajevo („Službene novine Kantona Sarajevo“, br: 1/24), Odluke o podsticajima privredi i zapošljavanju na teritoriji općine Novi Grad Sarajevo („Službene novine Kantona Sarajevo“, br: 11/18), Pravilnika o realizaciji podsticajih mjera privredi i zapošljavanju na teritoriji općine Novi Grad Sarajevo br. 02/03 -11-1087/23 od 17.01.2023. godine, a na prijedlog Službe za privredu i lokalni ekonomski razvoj, Općinski načelnik objavljuje:

JAVNI POZIV POSLODAVCIMA ZA SUFINANSIRANJE ZAPOŠLJAVANJA, OBUKE I STRUČNOG USAVRŠAVANJA NEZAPOSLENIH OSOBA I PRIPRAVNIKA

I OPIS MJERE

Podsticajana mjera je usmjerena na finansijsku podršku privrednim društvima i samostalnim poduzetnicima (u daljem tekstu: Poslodavci), koji će osobe s Evidencije nezaposlenih JU „Službe za zapošljavanje Kantona Sarajevo“ - Biro Novi Grad Sarajevo zaposliti na minimlano 6 mjeseci i obučiti ili obezbijediti istima sticanja prvog radnog iskustva.

Obuka i stručno usavršavanje nezaposlenih osoba i pripravnika se realizuje interno kod Poslodavca za vrijeme trajanja radnog odnosa. Poslodavci mogu aplicirati za maksimalno 20 osoba, pri čemu Općina zadržava pravo uskladiti broj osoba s raspoloživim budžetskim sredstvima i prioritetima Službe za privredu i lokalni ekonomski razvoj

II PRAVO UČEŠĆA

Korisnici mjere su privredna društva i samostalni poduzetnici iz oblasti prerađivačke industrije, poljoprivrede, šumarstva, građevinarstva i djelatnosti zdravstvene i socijalne zaštite, a koji imaju sjedište na području Kantona Sarajevo. Krajnji korisnici su osobe sa Evidencije nezaposlenih JU „Službe za zapošljavanje Kantona Sarajevo“ - Biro Novi Grad Sarajevo bez obzira na radno iskustvo.

III NAČIN FINANSIRANJA

Općina na mjesečnom nivou sufinansiran ili finansira plaću angažovanim osobama. Visina podsticaja na mjesečnom nivou odgovara visini prosječne mjesečno isplaćene neto plaće u Federaciji Bosne i Hercegovine, shodno posljednjim javno dostupnim podacima (podaci dostupni u vrijeme objave javnog poziva).

Poslodavac je dužan na mjesečnom nivou Općini dostavljati dokaze o isplati plaća, poreza i doprinosa za novouposlone radnike kako bi ostvario pravo na isplatu podsticaja.

IV OBAVEZNA DOKUMENTACIJA

Poslodavac prijavu na javni poziv vrši dostavljanjem sljedeće obavezne dokumentacije:

- Prijava na Javni poziv (preuzima se na info šalteru Općine ili na zvaničnoj web stranici Općine putem linka <https://www.novigradsarajevo.ba/news/invitation>)
- Aktuelni izvod iz Sudskog registra

- Obavještenje o razvrstavanju pravnog lica prema klasifikaciji djelatnosti izdat od strane Federalnog zavoda za statistiku (za privredna društva)
- Uvjerenje o poreznoj registraciji sa ID brojem
- Uvjerenje o izmirenim obavezama po osnovu poreza i doprinosa ne starije od 6 mjeseca od dana podnošenja aplikacije
- Uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik ne starije od 6 mjeseca od dana podnošenja aplikacije (izdato od strane Uprave za indirektno oporezivanje Bosne i Hercegovine)
- Odnosno sporazum sa Poreznom upravom Federacije BiH o izmirenju duga po osnovu doprinosa, odnosno dokaz o finansijskoj konsolidaciji
- Ukoliko poslodavac nije PDV obveznik dostavlja Izjavu ovjerenu kod nadležnog općinskog organa
- Potvrda banke o otvorenom računu poslodavca.

Dokumentaciju je potrebno priložiti u ovjerenoj kopiji ne starijoj od 6 mjeseci. Nepotpune prijave se neće dalje razmatrati, kao ni bodovati po preferencijalnoj listi.

V KRITERIJI ZA ODABIR KORISNIKA

Sjedište Poslodavca:

- | | |
|---------------------------------|----------|
| a) Na općini Novi Grad Sarajevo | 5 bodova |
| b) Na ostalim općinama | 3 boda |

Djelatnost poslodavca:

- | | |
|-----------------------|----------|
| a) Proizvodnja | 5 bodova |
| b) Ostale djelatnosti | 3 boda |

Nivo iskazane potrebe za radnicima:

- | | |
|------------------------|----------|
| a) Do 5 osobe | 2 boda |
| b) Od 6 do 10 osoba | 3 boda |
| c) Od 11 – 15 osoba | 4 boda |
| d) Od 16 osoba i dalje | 5 bodova |

Broj Poslodavaca koji će biti obuhvaćeni datom mjerom zavisit će od raspoloživih budžetskih sredstava.

VI ZAVRŠNE ODREDBE

Lista Poslodavca koji ispune kriterije javnog poziva objavit će se na službenoj web stranici Općine. Općina će sa privrednim društvima koja budu obuhvaćena Mjerom, zaključiti ugovore kojima će biti regulisana sva prava i obaveze ugovorenih strana, u skladu sa Pravilnikom.

Javni poziv ostaje otvoren 15 dana od dana objavljivanja.

VII NAČIN PRIJAVE NA JAVNI POZIV

Prijava sa pratećom dokumentacijom dostavlja se poštom na adresu Općina Novi Grad Sarajevo– Služba za privredu i lokalni ekonomski razvoj, ul. Bulevar Meše Selimovića broj 97, 71000 Sarajevo, sa naznakom “Javni poziv poslodavcima za sufinansiranje zapošljavanja, obuke i stručnog usavršavanja nezaposlenih osoba i pripravnika”.

Dodatne informacije mogu se dobiti u Odsjeku za lokalni ekonomski razvoj Općine Novi Grad Sarajevo, kancelarija broj 231 na II spratu ili na broj telefona 033 291-281 ili 033 291 - 302.